




Digitized by the Internet Archive
in 2018 with funding from
Getty Research Institute

<https://archive.org/details/theatrumreformat00amst>

THEATRUM
REFORMATUM.

AMSTELOPHILO.



THEATRUM REFORMATUM.

A M S T E L O P H I L O.



NEC fronte rugis tetricâ, legi, jocos
Nec mente quae nullos ferat,
Prisco Catoni non amicum, condidit
Ignota quod carmen manus;
Renovata celebrans Amstelaedamensium
Celsi Theatri exordia:
Carmen, vel ipse Tullius sedeat licet
Latinitatis arbiter,
Sermone puro, antiquâ & elegantîâ,
Quod ille scriptum dixerit:
Carmen, vel ipsâ quod Thaliâ judice,
Factum Sûadâ præside.
Sed tua, *Diserte*, quamlibet facundia,
Quae sentis haud ita placent;
Laudesque comicae, altius quam digna sit,
Extollere videris Domus:
Quae dum juventae, jam voluptates nimium
Sectanti, eisque deditae,
Ministrat ultro, quam, paratam, subtrahi
Prudentius sit, materiem;
Nummique simul & temporis dispendium,
Rerumque, faciat auctor est:
Hirsuta cultu fuerit olim squallido
Poësis, esto, Belgica;

Sit instituta Scena tum rectissimè;
 Et Curiae, Sacris, Foro,
 Populoque simul profuerit, uti barbaris
 Dum dedocet vocabulis;
 Illic cothurno rarior Tragoedia
 Impar Sophoclis acta sit;
 Sales Menandri plausus illic saepius
 Vulgi retulerint & Patrum;
 Nonne ipsa vitii duxit, ut fere adsolet,
 Non levius in vitium fuga?
*Quid ergo? ludos exsulare hinc scenicos
 In aeviternum jusseris?*
*Propterque abusum tollere usum vis rei,
 Quae, dulce miscens utili,*
*Punctum omne, juveni, dum, senique perplacet,
 Censore fert Horatio?*
*Inculca, protinus, & nefanda barbaries,
 Horrenda & ipsis moribus,*
*Belgis redibit, atque sermo Pictonum
 Sermone parum cultior:*
*Incomptus aures perstrepet lotos sonus,
 Nares nec emunctae ferent,*
*Quas Tempia voces, quas dabunt Curiae, Fora;
 Quaecunque sribent Posterì.*
*Elegantiarum supererit quisquis studens,
 Audire sacras abnuet*
*Orationes, ac suis laxas dabit
 Vitiis habenas turpiter.*
*Hunc, ergo, sannae quem prius mutaverint
 Censura quàm Catonia,*
*Virtutis almae quod reducat in viam,
 Restabit omnino nihil.*
 At, ô jocosì jam memor plùs quàm boni,
 Ratione nondum viceris:
 Prodesse scenam posse non ego negem:
 Prodesse paucis adfero.

Utile ea dulci saepe miscet , attamen
 Haud rarius non utile.
 Quod , involucris , dum propinat , plurimi
 Queis fascinantur abditum ,
 Corrumpt avidas omnium in praefens modo
 Quae grata sunt , improvidas
 Mentis futuri , easque coecis implicat ,
 Luxuria quos necit , dolis.
 Illita melle noxia ut quis pharmaca
 Deglutienda porrigit.
 Fallit volucrum sic dolosus , fistulâ
 Dum ludit , auceps simplicem.
 Dignis virorum carmen efferat modis
 Regale laudes fortium ;
 Quos nec Tyranni vultus instantis , levis
 Nec aura vulgi mobilis ,
 Ardorve praëps mente quassavit solidâ
 Justi tenaces mordicus :
 Accendat exemplorum , ut optimè potest ,
 Animos celebrium aemulos :
 Dum digna nigro , alboque digna calculo ,
 Fert laudibus promiscuè ;
 Non his , sed illis plurimorum lubricas
 Mentis sequendis pellicit.
 Has enim imitandis dociliores turpibus
 Quis nescit esse quàm bonis ?
 Flectique in omne cereas vitium ? suâ
 Culpâ , an parentum , nil moror.
 Facile est in ima de jugo convallium
 Quemcumque montis ducere :
 At non volentem ad culmen ut altum trahas ,
 Par Herculi sis viribus.
 Quos sponte profert Terra , siquis carduos
 Serat , colatve sedulò ;
 Nonne hunc Orestes ipse dejeraverit ,
 Non sanus , impotem sui ?

Et tamen huic Scenam esse quàm simillimam,
 Plerumque, nemo non videt.
 Nefanda gentis illa mortalis lues,
 Vindieta, quâ funestius
 Non Terra monstrum, non Pelagus ingens alit,
 Ut saepe prae modestiâ,
 Suique dominâ mente, nec, quoties volent
 Alii, inquietâ, extollitur!
 Heroicae instar illa pene laudibus
 Virtutis onerari solet:
 Ridetur haec, illiberalis ingeni
 Venire fueta nomine.
 Nec jam vetustis finibus nostrae amplius
 Gaudere Tragoediae licet:
 Quos non minori Gallico quondam scholâ
 Grajorum acumine editi,
 Statuere summo jure principes viri,
 Cunctis celebres saeculis:
 Vestigia quorum pressit ingens Hoofdius,
 Olim, atque Agrippinas Olor:
 Placuerè mœurs exteri, & quam caetera
 Mutationem experta sunt,
 Et Scena sensit, inque terminos breves
 Ludos coactos cernimus.
 Utramque facere semper illis paginam
 Quis est qui amores nesciat?
 Omnesque id unum persuadere civibus,
Amore cuncta vincier.
 Quod, si, profectò, nullus umquam dixerit,
 Non esset ulli ignotius.
 Ergo vester Heros illud unum cogitat
 Amori ut optimè litet.
 Huc ille cunctas actiones dirigit.
 Hoc propter asperi nihil
 Terrent labores, insitus fugit timor,
 Hoc propter & pericula

Mortefque temnit, ut cubili, quo cupit,
 Tandem potiri competat.
 Eâtenus faltem, haud neges, digniffimus
 Manchenfis aemulus Viri,
 Qui propter unam dura multa & ardua
 Suam Glycerium pertulit.
 At! at! protervâ, quae ciet rifus leves,
 Quid Fabulâ nocentius?
 Quae quod videtur carpere illud veriùs
 Suadere cenferi queat.
 Incauta clam virgo parentes & procus
 Jungunt fidemque & dexteras,
 Et quæ Cupido victor ales, alite
 Cum fratre, fuadet foedera:
 Pacta hinc tuentur inque-ludunt patribus;
 Votique tandem compotes,
 Frustra haec vetari faepe, dum non cefferis,
 Sui fequaces perdocent.
 Furtiva quoties haud voluptas qui coli
 Poffit, jocando oftenditur?
 Pravique mores & pudenda crimina
 Monftrantur horum nefciis?
 Quid furto herili fuggerens aurum Syrus?
 Quum vult amica, filio?
 Exfiftit auctor, atque fomes plurium
 Quas nemo laudet artium.
 Nonne hisce multos, queis & ambiguum ^{est} iter
 Errorque vitae nefcius,
Impelli, ut ajunt, *in apes*, facillimè,
 Dic, quaefo, fas eft credere?
At, afperos, quicunque fint, monentibus,
Quo corrigam, rogas, modo?
 Rifu jocifque leniùs pungas eos.
 Hoc maximè tantùm cave,
 Ne falfa veris mifceas, falubribus
 Nociva, honeftis turpia.

Ridenda tantùm ride , digna laudibus
 Collaudes , illaque unicè :
 Mentisque , siqui aliam medelam respuant ,
 Hac corrigas morbos via.
 Perstringe mores , si perosus sis , malos
 Ita , ut placere nemini ;
 Ita ut juventae capere nullis mobiles
 Illecebris mentes queant.
 Nulla foeda dici , foeda nulla conspici ,
 Tangant Theatri limina.
 Saltus protervi , longiùs absint , rogo.
 Modesta Scena tota sit.
 Non nimia in illis esse circumspèctio
 Rebus , mihi credas , potest ;
 Animos voluptas ipsa queis auctoribus
 Subit , atque , nec opinos , rapit.
 Haerent tenaces firmè , & usque , adfectuum ,
 Voluptuosae imagines :
 Nec illa possunt mentibus praejudicia
 Negotio evelli levi ,
 Quae grata nostris ipsa sensibus simul ,
 Gratoque venerunt modo.
 Sic si reformes ; Scena fatis , voverim ,
 Iò ! fruatur prosperis !
 Nec saeculares Ludios injuriâ
 Egisse ferias dixerim ;
 Majore jure nec has celebratas negem ;
 Quam quas , abhinc decennio
 Tribusque ter annis , celebrârunt Patres
 Scholae Batavae Praestites.

MEDIO TUTISSIMUM.

